

藝文纂第七

辰州府志四十六

賜按察司銜候補道攝府事儀徵畢本恕仲言輯



賦

周

涉江

屈原

余幼好此奇服今年既老而不衰帶長鋏之陸離兮冠切雲之崔嵬被明月兮珮寶璐世溷濁而莫余知兮吾方高馳而不顧駕青虬兮驂白螭吾與重華遊兮瑤之圃登崑崙兮食玉英吾與天地兮比壽與日月兮齊光哀南戶之莫吾知兮且余將濟乎江湘乘鄂渚而反□

辰州府志

卷四十六

藝文纂賦

一

兮歎秋冬之緒風步余馬兮山臯邸余車兮方林乘船船余上沅兮齊吾榜而擊汰船容與而不進兮淹回水而凝滯朝發枉渚兮夕宿辰陽苟余心之端直兮雖僻遠其何傷入溱浦余儻徊兮迷不知吾所如深林杳以冥冥兮乃猿狖之所居山峻高以蔽日兮下幽晦以多雨霰雪紛其無垠兮雲霏霏而承宇哀吾生之無樂兮幽獨處乎山中吾不能變心而從俗兮固將愁苦而終窮接輿髡首兮桑扈羸行忠不必用兮賢不必以伍子逢殃兮比干菹醢與前世而皆然兮吾又何怨乎今之人余將董道而不豫兮固將重昏而終身辭曰鸞鳥□

□日以遠兮燕雀烏鵲巢堂壇兮露申辛荑死林薄兮
腥臊並御芳不得薄兮陰陽易位時不當兮懷信侘傺
忽乎吾將行兮

明

銅柱賦

曾鑑

惟銅柱之稱建於南服之沅陵配遐烈於光德屹中天
而競凌何茲覩之偉麗獨夭矯而嵯峩挾平沙之浦淑
壓會江之衝波廻山溪以襟遶散葭茭之芊綿倚翠竹
之媚爽穆商風之灑然麗孤標而莫拔與秋氣而爭高
散晨淒而夕冽激素音之蕭騷原茲形之所肇歷百世

辰州府志

卷四十六

藝文纂
賦

二

而有焉在五季之分裂有虎臣以南宣乃殲妖孽乃撫
凶殘闢巨區於南海騰威靈於百粵修歲事以來土孰
厥志之敢越爰伐荆山以採精銅以鑄斯像以昭武功
測日景之所向示疆理之所極帝有美於茲烈乃作式
於新息降是而遷爲世靡常或判或合莫可殫詳暨我
朝之龍興實天命之所屆掃北鄙之烽烟回南荒之痼
瘵高皇正之以義文皇嘘之以仁旖聖功之允赫沐王
澤之維新上有哲后下有世臣惟古彭氏部曲翩翩羗
羽儀於上國浹威信於諸蠻每應天而順命肆鋤梗而
削頑沿晉宋之褒典著招討之崇庸迄大明之受命□

獻土以效忠頒符璽於魏闕盟山河於鞏固合華夏以
同歸誓赤心之不負辭曰翼翼銅柱壯國祚兮冥冥孤
標清風詡兮自昔蠻巨莫敢侮兮暨我聖祖受天命兮
有美世臣闕虢虎兮歷世相沿爲邦輔兮有崇者爵曰
神武兮永昭休烈於千古兮

本朝

二酉藏書賦

庠生

米云薹

季馨
辰谿

維洪鈞之停蓄聿鍾靈於山谷分二酉之崔巍昭奇闢
於崑麓地竅深兮玲瓏天牕啓兮耀煜綿沙田之萬頃
密石磴乎千曲引高人之頻遊致藏書乎萬軸寶彩凝

辰州府志

卷四十六

藝文纂
賦

三

而亘古流徽緗帙陳而億年堆玉爾其靈光靜照縹影
長函駕層崖而直上羗飛鳥之莫探卷星鋪其歷歷楮
鱗集乎參參萃奇文兮富網羅於瀚海纍錦籍兮儲邱
索之淵涵甲乙丙丁起石渠之哀訂經史子集藐秘閣
之收含夫且寶燄騰瓊姿啓藹烟嵐浮金紫伴石乳其
冷冷拔藤蘿之縷縷爛若卿雲潤如甘醴乍仰視而徘徊儼左圖而右史絕人跡之攀援齊天根之霞起斯誠
天地不朽之觀而造化藏珍之邸然而名山石室所在
多秘紫蓋呈奇朱陵萃麗水五彩以波流石雙飛而燕
墜桃花泛出競傳鷄犬桑麻穴鹿逐來快覲牀梯橘荔

幻龍巖之九人奇天花之六出此南楚之一隅固久□
其雙異而况神區萃璧瑤境鋪金八埏之廣六合之深
崑壑蘊其勝宮商儲其音玉闕瓊樓天台莫方其形狀
霓旌羽蓋雲華特著其蕭森層甲密鱗宛正宗之卷軸
東花西實訝葛氏之璆琳環者如堵高者如岑樹者如
柱橫者如琴二洞雖別雙屐同尋景豈能分於大小名
無改於升沉斯皆天造而地設故能詡古而揚今然衡
乾則推大生語坤則曰能簡彼山川之勝概於世安窮
獨菽苑之遐思引人殊善烈莫烈於秦氛高莫高於善
卷跡其遙覽遐搜窮深極遠沿清流而溯洄造五溪之

辰州府志

卷四十六

藝文纂
賦

四

委宛安神境兮幽棲扃琅函兮萬選於是春馳秋易漢
逝唐沉雲封兮寂寂烟鎖兮陰陰臥碣續紛空載雲迷
之慨嶄巖橫直長任苔痕之侵惟夫曠懷逸士嗜古儒
林雅慕登臨之趣思從崑穴之深或清流之冥涉或紅
炬之燭潛直達窈窕之室得窺金石之吟噫嘻造物之
幻實毓其奇韜珍斂瑞非龍非鸞百靈爲之呵護衆壑
助其屣屣窮勝境之叵測幸仙蹟之猶遺聊揮毫以抒
寫敢自信其叅稽思繪情於浩渺祈永布於來茲

武溪賦

貢生

李

湧

鯨來
瀘溪

瞻西山之屹屹臨辰水之沄沄注長川而爲壑動滄□

而成文合流則一窮源甚紛雄櫺遙接夫沅芷辰酉下
入於巴麋名不齊而有五派雖異而不分若夫發跡武
山之麓流經瀘江之瀆形似匹練勢如障雲有所謂濶
溪者西通夜郎北連烏速南合淑浦以洞瀠東與洞庭
相追逐朝辭二酉之濱暮達三湘之澳激石狂奔如迅
霆之搏擊循崖逆折似峭壁之懸瀑落英狼藉兮每隨
波而上下游魚灑灑兮時出沒而往復洵有本之蕩漾
殊易涸之溝瀆也當其春雨滂沱優渥霑足萬籟助澎
湃之聲千山絢洪濤之色平原盡屬魚鰕游崑壑疑有
蛟龍怒蘆葦摧兮岸崩老樹撼兮根仆漫漶失杏花之

辰州府志

卷四十六

藝文纂
賦

五

村泱漭迷芳草之路杜鵑啼兮聽之悲鷄犬寂兮過者
懼遙而望之疑三軍之銜枚疾走近而卽之則萬馬之
追奔馳驚及其浪靜波恬嵐嬌日煦楊柳風柔鼓枻而
姿遊興桃花艷發汎舟而多雅趣把酒吟懷臨流作賦
乍戲清泉旋看鷗鷺聆滄浪兮歌頻望壺山兮感慕若
夫炎火朱明赤帝令布虹影窺簾蟬噪深樹避烈焰之
肆虐吸沆瀣之甘露思伊人兮一方滌塵氛兮誰污已
而寒虫鳴金飈度明月映兮星辰浴清風披兮縠紋聚
心神悠然徘徊歛步漸乃時冷氣寒雲凍冰涸江邊之
草木盡枯河干之雪□□素曾歲月之幾何嗟物華之

非故四序遞遷乍寒乍暑百物變更或茹或吐□□□
湧疊波儵而霏烟斂霧謂非楚天之奇觀而快人之情
愴乎而且芳蘭所產泉貨所鍾則有江籬杜蘅菱茨蕙
芎竹箭蕙蘭芰荷芙蓉雲母可餌蹲鴟可供羅水鳥之
文翠躍鯨鯉於江中固寰區之美利實取資之無窮觀
溪流之洋溢感恩渥之龐洪縱目兮遠覽構思兮未工
弗克罄斯溪之景趣聊摛詞以形容

虎谿書院賦

虎谿山長李文煌長沙

湖南稱清秀之地勝概常多辰郡實險要之區名山可
數三湘會合首問沅湘二酉遙分先尋小酉每聞芳芷

辰州府志

卷四十六

藝文纂

六

還讀正則之離騷欲探藏書兼稽柯古之雜俎伏波之
征溪峒屯處依然供奉之流夜郎道經此否空使壺頭
高矗誰憐薏苡之讒驚看筆架橫排孰繼風雨之手外
此三嵎七盤嶺皆峭立百曳九磯灘殊湍激怡容溪名詎
足以怡情天寧山名若示以寧謐自各因見聞之喜憂豈
悉緣流坎爲欣戚俄循城闕以西忽歷虎谿之藪踞前
洲之北崖逼北河之前口日甫照兮視疑眈風偶從兮
聲欲吼雖履尾而不啞若決蹠而未走孰附翼而可飛
孰假威而甘後鑒往者笑負嵎之莫撓通玄者悟制沿
之可守則有姚江名儒龍場謫吏奉詔徵還長途憇□

□境指迷談仁講義假精舍以幽棲闡心傳於僻地爾
乃崇正學致良知遠尊陸子靜之德性近窺陳白沙之
端倪原無乖薛敬軒之徑路大豈決朱紫陽之藩籬雖
格物之論稍異而晚年之悔常追凡皆虎谿之奧窔罔
非精舍之天機何攻者謂墮於禪窟附者反雜以支離
遂異同無定論致授受有相譏况擒濠之功更著且平
粵之績堪稽則爵諡褒封豈云或過卽廟庭崇祀誰曰
不宜以故後人猶懷往哲葺修道之堂拜思賢名堂之側
見江軒外依稀魚躍鳶飛好景樓前領畧風清月白羨
鷗鷺名軒兮同遊松雲名亭兮一色豈絕學之無傳並遺跡
之漸滅嗟嗟西水非羅帶繫悶偏長洪山似劍鋸割愁
殊鈍蜈蚣坡下休悲瘞旅之文鯨閣聲中好誦尊經之
訓旣芳躅之匪遙於羣英乎何憾老夫耄矣猶懸伏櫪
之蹄孺子勗哉待發新硎之仞值茲昌明道學之期共
體作育人才之盛

鳳凰廳洄龍閣賦

拔貢 楊 瑞
龍 陽 班

繇崖門五十里側身下烟靄跼步凌垠堦漭蒼蒙密茫
不見日竦翠翹於雲表岾嶺嶻其高閣蜿螭腰眇蒼藹
鬱葱非霧非斂轟轟隆隆旣麗且曠實號洄龍爾乃西
擁芭蕉北引潭江南臨苜蓿東括石羊崖谿笏以開□

□攢植而蒼蒼壇曼迤嶰熒曄芬芳靨蘗形色變滅□
常維時祝融司令臭焦味苦客有岸角巾揮玉塵非栗
里之先生儼高陽之儔伍蹴躡蚪龍憑陵豹虎登斯閣
也冰牀打座禪拂倚天團扇歛其不展涼袂披其若仙
宕風懷於左右聊延佇以盤旋爰是對香龕禮繡佛談
三劫凭十笏層臺累榭疊岡複樾軒櫺緻以赧駁楹楣
豁其飄忽盤礴乎漚渙之濱摩杪乎泐嶮之穴頰矚仰
瞻一何怡悅則見夫七步一石百步一山崆崎婉孌裊
烟鬢也十日半雨五日半烟罨畫噲習隱翠巒也雉堞
雜樹澹澗湧蓮漣泮澎湃怒潺湲也乃若樓市臨江芳

辰州府志

卷四十六

藝文纂
賦

八

春鬪妍村篁照眼朱夏呈鮮榴花夾雨潤桑田也弱柳
欵腰眠芳阡也又若秋空一碧螢燈寂然西風落木粥
鼓高閒露泠泠以霑袖雪霏霏而澄軒凭欄倚檻汨乎
覽觀又有似乎玉女臨妝而嫋嫋公孫舞劍而翩翩也
至於謝客彈棋王郎作賦把翫四時勾留兩膝或眼中
人老厲短歌而斫地或夢裏角生鳴長劍而吐氣方且
泊然嗒然芒乎芴乎滌塵袂擁香爐證蓮華刳撰倒薤
書現金粟之後身說如來之權輿而不自知歛有悟夫
升潛顯晦之理委去留其自如激長嘯於斯須於是客
乃攜詩囊載香盃謝茲閣而高吟揮襟則涼颺扇野罷

□則白雲繞林已而殘僧兀然而起偃僂揖客公非常
人僧臥茲閣歷數百旬山靈黯黩芳卉沈淪痛古愴今
誰鑿嶙峋乃復授丹毫具寶硯進薛濤箋摘相如艷請
續以歌相對稱善歌曰屹然傑閣兮豁幽眸山匝匣兮
萬木稠水石齒齒兮咽不流墨海翻騰兮龍啾啾雷轟
電激兮風颼颼倏焉月出兮竹修修百鳥憚鳳兮誰儔

二酉山賦

知縣

劉文確

堅泰辰谿

懿夫岫嶠崔嵬蒼水津梁靈麓綿亘蝌蚪琳琅燁鶉火
之輝禹篆雕鏤分翼軫之燄寶山困藏乃有二酉兩峰
相望坱圠植基肇蠶叢於合沓崆峒聳黛拓黔嶺爲低

辰州府志

卷四十六

藝文纂賦

九

昂爾其厓屨枉折遼嶺僵紆倚大酉爲攢翠搯小酉以
承虛巍巍巉巖競長三楚潭潭窅谷爭雄一墟謂是足
登臨之寄興不意洞壑之間而有古遺書考之禹貢□
始酉水徵彼圖錄更稱洞天枉渚釣歸讓唐堯之天子
蹇驢轡攝鍊刀圭於嶺泉彼善卷與張果實棲跡而□
連風徽駱驛氣象萬千其中幽洞窈窕暗竇委婉有□
長扃有道紆遠前後敞其相通窾窳曲而往返著名妙
華獨藏千卷琅霄書契有摭拾之緘題紫府篇章得珍
秘之翰苑追維秦人所留遺未信穆天子封禪之所繾
綣爾乃欹峇崖絕盆塵盤磴道泊泉聲清趣紆其駭□

絕頂寄以遙情依瑞靄之縹緲際雲日之晶瑩洵師文而屬芊何懷璞之非荆於焉探卷帙之奇訪圖書之所金題玉躡非隔光碧之堂玉軸牙籤未殊瓊樓之宇乃雙扉難開白雲不語問當日之情事寧古人之卒不我與夫無境不披所以擴其識無籍不博所以益其明震澤山穴之函曾許龍威檢出汲毀冢土之韞還需河間臚陳胡不顯幽而徵實匪徒誇多以循名試看峰峰錦繡崦崦文瀾浸淫脉望不數石渠天祿之富淵微昌化豈異武庫學府之觀大小山中取材若許前後囊底得士非難敢支螢案以對古竊附名嶠而學山

辰州府志

卷四十六

藝文纂賦

十

夸父支鼎石賦

庠生

段國相

□陵均

維辰州久號山郡自上古以著英華卽一石之孤標兮猶共驚爲崩矧三峰之拱峙兮能勿羨夫崕岈旣屹岬而人不敢越亦岩堯而霧不能遮參天半兮承雨露聳雲中兮起烟霞狀厥巍峩漫擬擎天之玉柱欽其峭厲更異射斗之鑊鄒景已傳爲故典言非盡屬虛夸載考前人厥名夸父視宇宙爲居廬以乾坤爲門戶思追日兮竭奔馳攜鳩杖兮忘勞苦採芷蘭兮爲餗羅龜麟兮作脯旣不煩于裹糧兮早爲釜甑之需竟相傳以斯山兮權作燔柴之府爾乃將陟上必自卑賞佳致趁良

時習習春風青帝助吹噓之力炎炎夏日祝融代舉火
之司或令秋花而釋也叟也或聯冬雪而蒸之浮之山
前之行潦潢汙似將積以饑饉嶺畔之松篁卉木若欲
儲以待炊蓋形類玉鉉之三足脉接衡岳之一支是以
風光日媚景象恒奇旣大烹兮以致養豈鼎沸兮而難
持况乎升九天之瑞日兮儼丹丸陶冶於鑪中覆五色
之祥雲兮疑爨火氤氳於釜頂曙光橫一縷依稀晨起
尸饗暮靄瑣三山髣髴晚來烹茗非危崖兮所可同豈
邱陵兮所可等固宜播美譽於堯封齊嘉名於禹鼎則
亦何必嶼在河而島在海方踰崒嶽以超羣華位西而

辰州府志

卷四十六

藝文纂
賦七

十一

岱位東始駕岡巒爲已迴也哉夫傳聞之多誤也不須
搜秘笈於五方而美景其難逢乎每願存遺踪於什百
矧詳於邑乘之中又登諸廣輿之冊事實有徵景非莫
得下臨無地俯崑壑兮何窮上出重霄仰星辰兮可摘
將共欽奕奕之山誰敢鄙巖巖之石洵宜架鼎鼐而調
鹽梅承釜錡而供膾炙殊無折足以貽譏何至覆餗之
堪惜鎮茲南服兮並三公之尊嚴衛我天家兮歷萬古
而濯赫

四言古詩

則

歸我椒溪七章

貢生 米肇灝
梁辰溪若

歸我椒溪返我椒里抑又何求用愜素鄙有廬足居有
田足醅風□□□月入窻几當此一翁其幽無比
歸我椒溪返我椒里椒雖湫隘爲□所徒可以誦詩可
以讀史□□雲山烟霞自□心□靜結安忍釋此
歸我椒溪返我椒里既倦於人塵宜早洗何如登山耳
怡鳴鹿何如臨流目交游□大妙□同海翁一體

歸我椒溪返我椒里□以□□致謝紈綺入世寸心於

辰州府志

卷四十六

藝文纂

十二

何有底焉知利疆而非□□□窮方悔納履
歸我椒溪返我椒里椒山青□□水□瀾況有素心樸
誠可喜在彼寡文樂我□□□周旋如醪投醴
歸我椒溪返我椒里□念我□致歎生子形脫氣分已
非一己寄力於人安能終倚自食狩獵居山至理
歸我椒溪返我椒里竊意化工與我能幾我種我豆我
樹我李稻熟作羹秫熟釀醴百慮既澄如斯已矣

辭聘

貢生 唐九官
師

曰需曰藏身困道光曰元曰默食舊含章良木早□□
□年長高明鬼□知止無殃少陵野哭接□□□□□

婆恤鳳泣麟傷寓形方外遯跡荒唐卷懷今古囊括元
黃

羅峰草堂雜咏

舉人 米元侗 吉人 辰溪

牛羊下來山徑自幽農人歸晚語雜溪流樹間微露濕
我白頭明星東出動我隱憂

東臯豆發厥苗離離奈何淫雨會不逢時衆卉感陰□
類蕃滋豈無利刃可以芟巨水深泥滿力不能施
土礮鋤銳用力大難烈日暴背汗流漫漫人生四體豈
不求安衣食所出孰能暫寬翩翩公子馳馬林端挾弓
彈雀顧以爲歡

辰州府志

卷四十六

藝文纂

十三

月出林間照我屋壁倚門遠眺青天如滌草露遥遥山
石歷歷秋陰感人中心怵惕呼妻具酒暫罷紡績蝦蟹
盈盤棗栗兼錫對影持杯愛惜涓滴

日中如火土焦氣渾牛熱心急屢策屢蹲放犁不及望
溪而奔我亦暫暇箕踞樹根涼風自北草色南翻孤雲
高飛蕭然遠村

田水日乾溪流日息計畝分灌古有成則枕石席茅夜
眠堤側虎豹羣嚎欲畏不得仰觀明星燦爛一色雨何
可期嗟我稼穡

高田薄收憂食不給蒼崑勵荒思補殘粒地卽傾斜足

常側立步隨鋤移不可緩急饑來思歸日猶未入路狹
草深風露早濕

本朝

湘東克衡也衡盜倚爲巢克之武功將成也八解

選四

大學士

陳廷敬

子端州

右刈武陵左掃星沙磨崖岫嶮我功孔嘉戎馬晨服
焯夕遮剿絕惡本敢遺萌芽一解

其恃楓木其恃辰龍震之拔之自西自東陟嶺踰微于
山于川遠招邇歸囚豪解顏一解

東西合師進次于沅孽童日蹙怙兇忍頑左擣其虛右

辰州府志

卷四十六

藝文纂

十四

攻其堅載闢載被會于中權一解

既克于沅沅人嬰嬰如日之昇如霖遇晞以肉其枯以
勅其羸式歌且舞以樂我師一解

五言古詩

梁

武溪深

戶曹參軍

劉

峻

孝平原

武溪深不測水安舟復輕暫侶莊生釣還滯鄂君行櫂
歌爭後發諫鼓逐前征秦上山川險黔中木石并林壑
秋瀨急猿哀夜月明澄源本千仞迴峰忽萬縈昭潭讓
無底太華推削成日落野通氣目極悵餘情下流曾不
濁長邁寂無聲羞學滄浪水濯足復濯纓此詩一作武陵深行載曹

鄴集或作張九齡詩

唐

辰州府志

卷四十六

藝文纂詩

十五

盧溪道上

校書郎

李羣玉

文州山

曉發潺湲亭夜宿潺湲水風篁掃石瀨琴聲九十里光
滿覺來眼寒落夢中耳曾向三峽行巴江亦如此
明

玉田行

分守道

陶欽夔

伯諧彭澤

盧溪水潺湲峭壁蹲江涘地軸還虛無蒼然森貝齒嵯
峨紛樓觀睥睨盤豹兕攢空匹衡廬逐波逸魴鯉峰巒
斷復連巖穴拔仍圮夏日漲□□入澄江淨如綺扁舟信
遨遊策杖深倚徙陰厓石竇□□泉眇於泉捫蘿一逕
斜棲雲萬壑七幽深陰森森旁出流瀾瀾滴髓蛟龍懸

□冕羲皇似釣臺人去荒丹爐鼎已毀千田畛欲□□
月蕪未理見大心俱豁俯險興未靡邱中諸天幻界外
百靈詭暫擎陶公杯共息王喬履風塵滿襟裾雲霞流
席几曠若居清都飄如聞商徵白鹿恍失韓青牛定逢
李何當傾蓋來永結無生喜我本鴻鵠曹落跡稻梁餌
出門亦何從酬世良有以炎方足山怪魍魎爭填委白
日揮天戈殺氣半成紫元戎凌高臺羽書報天子義激
許身輕問津何時已及此訪幽谷百年轉燭耳高歌歸
去來避世從此始

盧溪玉田洞

辰州太守徐楚世淳安

辰州府志

卷四十六

藝文纂

十六

五月駕仙航曉泊前溪浦溪上遇劉郎丰骨稜眉宇共
訝白雲處中有神仙府舍舟從步入挾攜叩丹户翠蘿
繞洞門青禽弄韶武虹飛銀漢遙二仙如仰頰不知何
代人蟬蛻還未腐下有千畦田耕桑疑有主瓊樓集鳳
凰寶鼎蟠龍虎層霄華蓋張露擎仙掌撫針泉引石竅
分明絲一縷雲衣豈待縫天工良可補百巧誰能名萬
象那堪數盤廻燭照間閱歷世千古洒然心地涼欲逐
霓裳舞出門人語喧鷄鳴日亭午

遊盧溪蘭泉山

徐楚

我□□廟□難忘山水□□崑一□□□□□□之□

槎玩銀海秋毫濡墨池仙子何當來爲寄步虛辭

黔還至辰溪懷蔡敬夫監司既見贈詩

提學 僉事 鍾 惺 伯敬 竟陵

去子不百里我懷彌鬱紆川陸莫適從顛倒問舟車五
載別何易一日苦難需不知此五載爲心當何如行役
過子部心跡多所拘此時不悵然明知有歸途歸途未
卽見離緒劇於初萬慮閒乃生情事方崎嶇

去冬予家食寄我早梅篇今來屬殘秋乃在梅花前沉
江多芙蓉遲暮非其年芙蓉不肯後梅花不肯先今子
欲贈我何枝可折焉每得君所寄思理如雲泉及茲獲

辰州府志

卷四十六

藝文纂 詩

十七

言笑意滿俱默然吾寧默相對不願寄雲箋

遊石盤山

布政使 鄧啓愚 少浦

殘夜慘不樂晨積苦未蠲攬衣抱神期曙景翻可憐清
暉蕩前除晶晶明遠天偕彼羊求侶兼茲引勝賢尋幽
不憚遠途徑隨蜿蜒環溪倚白竹

名谿

水竹相澄鮮林薄

鬱青松龍蠖相糾纏翕赭紛瑶草霏微散紫烟盤空石
犖确勒銘待誰鐫得非天路近莫尋陌與阡登高聊騁
望野曠何芊綿涔蹄洞庭波培嶁九嶷巔游目極天表
馭氣干星纏東瞰陽谷瞰西睨弱水瑤恍然御灑渺超
忽排冥筌聞說采三芝可以望九仙信美當吾土况乃

微尚牽顧承雲間露斷絕區中緣倘逢王子晉笙鶴□
翩躚

寄椒溪三弟大程

安順道

米肇頤

觀辰溪甫

目極層山秋處處白雲流故園居其下望之何悠悠不
覩椒嶺木不聞椒水浮曙光照峰北雨來滲巖卽鳥啼
林中巔牛歸田上溝心神孤且潔烟霞貞而幽秦人鷄
犬仙安能同菟求事盡地可去時過心不留暮年感寥
寂磻溪餘石頭

九巖

貢生

米肇灝

椒溪辰溪

九巖石氣奇巖森如戟列幽蘭夾道生蒼松長霜節時
辰州府志

卷四十六

藝文纂詩

十八

有青雲來下卽幽人穴幽人棲將老杳無車馬轍文章
亦有聲奔競素不屑自謂愛棲遲未肯忘眞拙下山釣
磻溪上山吟松垵吟罷獨彈琴清音汎明月

中秋同李汝嘉茂才戴月登眺玉華洞

張鏡心

鄴下

有客自章貢銜詔適南國朝揜楚湘雲暮嗽楚山石縵
然夜郎西得此神仙宅洞上高嵯峨洞石殷且碧初至
風冷然洞口驚逼窄少焉中四虛怪石相凌偪胸有鐘
乳垂點點堆玉液石脅排洞腰山筋如貫索旁有百尺
峰參差儼列戟上有五色雲層層懸帳帘或爲虎豹蹲

或爲鸞鳳翮突然長虹飛石浪相噴激壁上引羣仙衣
冠相盤僻臥者如曳踞拱者如揖客不借巨靈開不假
五丁力丰采天生成鬢眉疑劍畫回想世間人鏤脂竟
何益

小酉洞

貢生 沈汝琳 他友
沅陵

谷瀏漭洞烟寒光自相守何以碧罅中羅錯古蚪蚪羸
氏烈焰中大力負之走芒芒九有周選勝於小酉黝折
入元冥空音自擊扣卷肘穿滴明倏啓一空牖縹緗厝
古苔斯可期永久爰覲洞中藏皤皤兩黃耆一爲郤鼎
翁一爲煉丹叟睥睨陶唐間萬乘等糝垢蒲輪詣東都
辰州府志

卷四十六

藝文纂

十九

釋形幻蒼狗異書萃異人元氣貞橐紐嬭嬛秘寶光不
罹綿蕞醜我來叩遺踪擊蕪開石缶蒿封翳蘚斑元儀
景蚺繆邱索徒成灰睠依白雲藪

過小橫山

舉人 米元倜 羅辰溪
辰溪

蒼然如此山從空立標格土門行已危巖徑去還窄日
高物色齊天近雲光迫絡古無春來千年樹一尺孤雲
獨何心白露淡將夕於此開心胸浩歌情自適

羅子山大雨有感

米元倜

山上星辰明地中雷雨出渾渾太古氣迴薄森嶽嶺雜
泉一時鳴高天四面失松徑生荒涼危客轉愁疾衣濕

火不紅畏寒久怵惕近傳寇賊來長驅入家室戰守策
兩廢我兵散倉卒聖人當運興廟謨自沉實安使鼠狗
徒白晝逞咤叱念此誠紆鬱黑雲何冥密

遊丁公砦

米元侗

思遊常倍勇辭侶因獨去徘徊忘遠近隨至生奇趣怪
哉丁公峰崢嶸當其處黑雲脚半垂白石門雙豎虛草
動無心暗泉流有故喧寂界自分聞見理若素天風西
北來吹散山底霧水樹兩盈盈澹然洗孤慮此時我如
何久立無所遇深恐前期窮細尋懸石路

本朝

辰州府志

卷四十六

詩藝文纂

二十

辰陽道中雜感

知縣

程

封

伯建
江夏

我馬歇辰陽遙望沅州路八蠻烟瘴間微茫阻雲樹憶
昔馬伏波邁年此征戍功業在垂成竟爲讒夫誤

海舟

有序

進士

劉

恂

讓子
辰谿

舟以海名嵌辰江絕壁之半龕龕所崎處圖石甃
之累累如人爲蓋千百年於茲矣或曰舟質沉香
在昔高辛女所置其說寥廓姑妄言之而妄聽之
三山在何許洪濤間阻之中仙不得入置舟辰江陲半
龕爲天水杯渡寧若斯問此千年物誰爲晝夜司吁嗟
人外事難以理思維扁舟來過此吟眺獨遲遲我舟視

彼舟彼奇我則夷

遊龜山鐘鼓洞

劉恂

龜山削萬丈九峰乃其尾蜿蜒勢如奔齒萃忽而止聳
首挂天關踞坐看城市神物巧磨礮空虛挂丹紫地靈
仰俯變石腹參錯似跼步巖洞前流杯澄潭汎澄秋無
俗鱗懸巖類亂蘂其音合天籟其味則石髓亭午搖壁
影長江清泚泚傳聞大小西與此爲鄰里得其門而入
桃源在尺咫

潭蘿山前洞

貢生 余子錦陶石辰

潭蘿四面重空處莫非洞虛牖挂雲氣靈怪如鬼弄起

辰州府志

卷四十六

藝文纂

二十一

踏前洞來遊興自此動坦步入石門曲水折還送如欲
濺客履既去復來控中有好奇人小構室一棟胡安室
中室求醒夢中夢夜月隔清輝晨烏聞高唳默坐定人
心永與鴻濛共偶來避塵囂獨行謝疇衆乳泉响高低
石筋兼橫縱上者懸欲落下者升似供清心正可掬何
心期滿甕攜歸試芥茗莫泥茶經用活火靜烹調茶香
水香重

鑑谿菴洞

余子錦

乾谿古鑑谿也劉禹錫道經於此曾鑑白髮焉
後好事者碑之卒災於水鑑谿二洞一曰菴□

洞無名以其地名之地之洞不一以其菴別之
夫二洞皆列道旁竟不得一名以表誌當時然
則物之裕於中而歉於外以孤高自尚者寧第
茲洞歟爲作鑑谿二洞詩

鑑谿山水惡山大水不清一泓極清者入洞潛其名我
來訪遠公射窻飛水聲初疑斷雲瀑詢之乃洞鳴舍聞
以趨見必欲洞中行所隔幾何許山腰天削成石路苔
不澀未躋已先驚崎嶇將欲至宏敞如相迎遙聽水聲
外仙人吹玉笙松影落澗碧白石沙晶晶剔蘚得古字
讀之不能明洞天列仙籍莫敢與之爭豈伊一天地乃
辰州府志

卷四十六

藝文纂
詩

二十二

與無名并信知無名氏深閤以儲精

鑑谿涼亭洞

余子錦

幽境敞涼亭應非達者意事有幸不幸誠當安命義鑑
谿路中亭非可理烟翠適余坐其中息肩寬夫騎清風
與之俱石氣倏而異豈識襜褕間接檐卽洞次洵步察
淺深忽然移聽視玉沙亂種田鐘乳難計器一折轉而
上王華倒垂穗一朵與萬朵朵看欲墜隙日金玲瓏
泉筍雲嫵媚置之水竹涯性命不可易何爲泯風塵一
似泥丸閤異代俟知音吾願爲之記

辰龍關

詹事府
贊善

黃與堅

庭表
太倉

鬱盤鳥道中忽覩巉巖削雙聳若天門神工斧斤鑿
刺劍戟橫摩厲成鋒鏑清冥杳無垠怪雨從空落一徑
折霄光絕壁盡倒却千仞蹙孤危不敢棲猿獍攀躋坂
益欹數武困行脚嗤彼銅馬餘持鍛倚木閣狼竄嶮一
隅俄就官軍縛於今走輕車亭午氣頹索白日景蔽虧
一步一獐惡瞬息度層關鬢髻恐非昨

早上丫髻山兼歷路中諸峰

教諭

米元侗

同人
辰谿

朝行獨清靜坦步適其真我來無所懷衆峰殊可親處
明生奇光向晦終不淪迴顧幽木出隱然各就晨霜露
緣徑濶轉折意慮新石泉傍足流鳴聲何彬彬樵蘇旣
隔絕山氣日夕淳林曉羣物發喧動難再泯苦遭聞見
雜遂使心不馴

五月初十晚霽初見羅子山頂作 米元侗

平村羣就暝餘日照我牆素月霧中起忽見山頂光濛
濛萬古開星辰列其旁紛象同時出精英咸青黃氣動
竟在天流雲與之當相飛何迅速繚繞西南方孤立萬
慮息仰首不能忘

沅陵學署歲莫感懷

沅陵
教諭

向兆麟

石村
京山

我行五溪上飲馬五溪湄寒風吹白日山樹空鳴悲欲
濟招舟子河凍冰纍纍鵜鷗下漁梁得食相追飛歲儉

無竹實鸞鷲恒朝饑男兒不得志十事常九違况復□
歲莫落落成孤羈逢人強歡笑相視寧相知煩憂欲銷
骨坐覺朱顏衰仰觀塞外鴻尚有北旋期亦見飛蓬根
因風還故溪而我長鬱鬱日夕徒衰回衰回亦何爲遠
遊不如歸

送吳鹿泉先生司鐸辰谿

姚基延

江夏人

尚父百五十礮溪稱蚤遇矯矯鷹揚姿丹書古太
傅鹿泉遺一老大耄行位素正學自悅怡纖毫珍
跬步恬養薄聃周精神愛強固灼灼鬢髯光皤皤
師賔度經史百家言便腹盈武庫光芒極萬狀詩

辰州府志

卷四十六

藝文纂
詩

二十四

文自鼓鑄

聖世豈留良二酉寄掌故濂溪理學宗後先應水乳即
茲育英才器識首章句僅以三絕奇且爲六經羽
秉鈞功名士鐸牖大展布霍高邈難躋湘廣寧葦
渡我懷之南矣搔首茫四顧所願惠格言提命若
朝暮

上灘行

辰州太守

朱國柱

襄平人

天南有五溪開自伏波始頑山寨地生一水流如駛水
面出山峰崿訝排利齒奔湍漱羣石怒號聞數里勢若
沸鼎然險同航海似舟行幾逡巡榜人爲予啓斯號□

子洞過此清浪是前途著名灘不勝屈其指我聞駭且
愕心驚顙欲泚舵樓白髮翁焚香及錢紙雪浪擁船高
百夫曳不起大呼齊着力空山叫野鬼五體投地來且
行復且止磴道不容足鐵繩蕩平水人生貴達觀戒心
誠多事宦途走棘林世情悲劍米處此不知危凜凜河
之涘自浮酒千觴癡腸爲一洗

道經伏波廟

同知 蔣景祁
京少武進

雲臺圖功臣椒房獨未許示公轉見私遠嫌亦何取龍
蛇方鬪爭幾先擇真主回翔竟不歸風雲會軒舉五溪
阻且深一鼓氣如虎顧盼惜壯年矍鑠勇堪賈薏苡蜚
辰州府志

卷四十六

藝文纂

二十五

語騰宮側起讒蠱公匪一將榮犀貝何足數松固乳臭
子無乃累建武薄遊沅江濱靈祠立江澣遺事徵故老
英風尚千古慨然懷昔賢功名想銅柱

印潭釣磯春眺

知縣 舒宏訓
慕衡 溆浦

解綬歸東畝持綸倚溪曲無人覺幽趣坐觀春水綠上
下古釣巖光潤類紅玉願學舍瑟人童冠共沐浴

虎谿尋王文成公書院舊趾

沅陵 張佳晟
晉天 廣濟

遙望虎谿上萬樹攢雲枝乍聞清磬響天風下罽罟荒
簷羅鳥雀徘徊起幽思萬里龍場客書堂千古歸林木
爭摩戛俎豆歲紛披念公遠謫日讜論已昭垂勲業日

以大微言人莫窺如泉隨地涌大道足扶衰上有晴日
絢下有清風揮旂常每掩映哲人終不萎我來長太息
撥草捫殘碑臨風一酒涕細咏當年詩

過薛文清公祠

張佳晟

明興百載後大儒推文清道德以中蘊文章自夙成魏
范結小友峻節卻文貞從此振風紀辰沅表使旌本爲
採礦至累牘乞罷征其言何利溥其志何忠誠奧義隨
手錄課士惟躬行愚蒙日漸發絃歌滿荒城莫謂邊徼
僻千里留芳聲令德堪仰止壇坫望崢嶸俎豆嚴伏臘
碑版尚鏗鐫况復旅寓客繼起有陽明遐方何獨幸先
辰州府志

卷四十六

藝文纂
詩

二十六

後頌大名我來追芳躅榛棘已縱橫俛首拾瓦礫蹇步
走狨毳愴然三歎息占道詎終傾起衰更誰望應共此
持衡

五溪秋齋

潘國祚

燕邱
江夏

秋氣何蕭森風雨時閒作散步高齋中曳履聲橐橐鄉
夢夜來多晨起追無着山色滿牆頭花光近籬脚小鳥
時啁啾廻翔聚叢薄萬物固歸根吾生將焉託詩書誠
何用垂老增寂寞願言東歸去乘風駕黃鶴

辰州江上巖屋

麻陽
教諭

舒芝生

廣濟

小屋緣巖立懸梯百尺餘俯視大河水置身於空虛凌

波構層樓蝸壁真相如有沉香船阿誰此釣魚古人
惟釣適故傍巖中居羊裘嚴子陵時停王者車

納涼谷口作

庠生

米云方

若辰谿矩

日午暑初劇風涼坐谷口林中鳥雀飛白雲出峰右怡
然見性情於此爲良友不用膏梁口不用糟粕酒其間
相得時塵俗莫能誘慨彼騎虎兒優遊同我否天地愛
我深待我恩何厚貧賤有家室朝夕樂畎畝讀書懷君
子尚志存不朽學成則可用遭遇應無咎人才不世出
吁嗟慎毋苟

雲霧山觀霧

貢生

李茂林

密辰沅陵生

辰州府志

卷四十六

藝文纂詩

二十七

孤岫出青霄噓吸通帝座百里衽席間長江如帶過渾
天一氣中萬象窺不破光怪復陸離下有蛟龍臥縹緲
三神峰萬古青不墮

雨中過古老山

庠生

米云秀

五辰谿城

疎拙成天性畏言塵世務衣食驅我身勉強還獨步我
行惟淡泊得領道中趣幽靜崑時經紆迴溪屢渡落葉
當秋晚偃蹇臥中路仰視古老山諸峰相回護勢欲吞
長江兀然若四顧白者水光明碧是山頭樹俯看身忽
高努力不敢住昨夜寒風奔陰陰鬼神怒霹靂足下旋
萬物皆震懼斯須驟雨來恍惚天欲暮徑荒草木深虎

□時嘯聚吼聲奪奔雷隱隱落飛鷺衣濕侵骨寒加以
心恐怖雷雨返海東始若夢初寤土虫對樹吟啼鳥聲
交訴於茲悟所生不必守章句

乾州聞打蕨聲有感

同乾州王

瑋

太平人

二月賣新絲五月糶新穀醫得眼前瘡剜却心頭肉此
詩最清真我喜再三讀上下千百年民隱如在目歎息
此州人化僞生計蹙春來亦養蠶蠶小未上簇桑盡頻
告饑斗米歸苗麓山田藉火耕鳥道臨空谷籌車從古
無焉用豚蹄祝今年遭早歉青黃槁三伏加以鬼方擾
官庾絕廩粟丁壯去荷戈羸弱困半菽相將攜婦子賤

辰州府志

卷四十六

藝文纂
詩

二十八

價棄羔犢遠入魑魅鄉伴彼虎狼宿蠻烟與瘴霧荷鋤
尋野簌糜之以爲糧聊以果我腹邊陲方禁暴下令同
秦逐豈知謀國憂不得則其鹿可憐翳桑輩擔負而來
復登登晨夕聲誤擬秋原熟清曹類鶴癯作賦哀茅屋
起瘠當屬誰空愧爲民牧

夏日同楊天培陳見田遊太虛洞用龍茶仙聯句

韻

王瑋

洞逼桃源近擬爲汗漫遊曉乘逸興發賸有詩思抽飛
刺招陳琳摺簡邀楊修不須張羽蓋何用障緹油籃輿
出東郭靈窟足勾留松門亂空翠頓覺暑氣收獅石□

洞旁突兀雲根稠鐘乳千珠結晶瑩若瓊樓肩宜拍洪
厓袂當把浮邱誌公思卓錫漁郎欲捨舟深壑噴潮汐
疑有神物泐碑殘苔痕古摩挲字可求仙去臺猶在眼
底卽瀛洲此境不行樂知我重來不汲泉供茗椀折花
當酒籌狂堪敵嵇阮句敢薄曹劉豈曰烟霞侶暫與雲
鶴儔吾聞漢博望乘槎犯斗牛吾聞晉王烈石室發歌
謳已欣塵慮息殷勤窮冥搜避人逃世網此願何時酬

觀鐵廠

進士 唐效堯 衢尊辰谿

入山不厭深林壑愜清矚何當遇恢奇振動駭心目斧
斤勇千夫丁丁摧羣木遙聞邪許呼積薪路相屬開闢

辰州府志

卷四十六

藝文纂

二十九

莽五丁但見四山秃茫茫太古雲徘徊失棲宿伐鉞危
石底透迤百折曲健者縋而下把炬窮躅踟長鑱斲黃
泉裂磔撼坤軸似聞蛟龍怒若有鬼神哭倘懷覆壓懼
何如守犁犢自言田畝薄每苦飢凍酷犯死豈得已謀
生實不足運錡若邱陵洪爐煽山麓碧空愁燔灼爐聲
徹林谷火光波濤翻爍爍走珠玉鐵片纔成堆泉布售
已速吁嗟造化功窮民有絕續所慮地脉傷穿鑿非爾
福安得保渾沌呿吁澹無欲三九長羸餘寶藏終蘊蓄

五峴山尋瞿童井

唐效堯

神仙自有真原不在丹鉛龍虎戰五臟服食亦徒然君

謂蓬瀛遙牛豎安能仙乃知根器深非但道性堅我來
尋古跡五峴何聯綿井旁青碧草鬱然雲霞妍洞源無
處覓空復憶桃川相傳瞿童從黃洞源仙去
後有見之於桃川宮者

清浪灘

唐效堯

沅江鎖滇黔亂石碁在局舟如破陣馬隨人而屈曲猙
獰當中流何年鬼斧斲已驚雷迴怒夾版還相屬雷迴
夾版

皆灘名

老蛟噴白涎盤渦不敢觸伏波有高祠門前兩黃

纛舟子匍拜誠割鷄進雙燭忠節人豈知坐饗亦因俗
遙望壺頭山霏霏雲斷續須叟北風駛百丈免繭足踴
躍舟子歡明神祝所欲輕帆抱夕陽兩岸寒烟綠

辰州府志

卷四十六

藝文纂
詩

三十

三台山

瀘溪令

顧奎光

雙溪無錫

薇垣謫仙精白榆落乾竇巖巖鎮百里在上應列宿三
峰勢岩堯鼎峙官署後城隍借雄峻戶牖納蒼秀春雲
濛濛起凍雨逗天漏森然新綠濕萬樹洗巖溜陵陂麥
苗豐不虞艱食奏明時訟獄稀圖書永清晝置身翠微
間殊得觀覽富所願泰階平民康祝靈佑

香爐山

顧奎光

松篁交午陰苔蘚石篆古洄洄繞江水濛濛出山雨翠
屏當郭門黛色滿城櫓時聞發天香靈仙無處所

浦市

辰沙承

戴元柟

逕野德清

浦市十數里遠望却無□斜屋承水形曲巷取山勢列
市黃橙香臨江朱檻麗環翠暗清流落日明霞繼長天
隻鴈飛孤月浮雲蔽夜靜北風高冷然拂衣袂

對洪山獨酌

舉人 韓 价 維 籌
沉 陵

悠悠復悠悠此身渺何有嘯傲在羲皇且進杯中酒舉
頭望南山沉湎濡其首睥睨無二三酩酊常八九大塊
倏如馳莫比黃花壽我逕未荒蕪我田在南畝世事渾
如此樽壘與瓦缶人生不百年曷戀彼五斗意惟靜者
知蕭蕭門前柳

白霧山

令 淑 □ 陶金諧 適 齋
南 城

辰州府志

卷四十六

藝 文 纂
詩

三十一

山行如無山蒼蒼積烟霧彼尋榛莽間曲折緣樵路頽
陽漸匿光新月已流素松林翠未明楓葉丹微露征伐
想昔年於此勞屯戍碧血膏野草鬼燐如螢度老樹嘯
□鷓空原走狐兔嵐氣襲人衣蒼茫難久竚

再過龍潭雨中□景可愛詩以記之

陶金諧

六□鑄名山施設羞雷同幽奇必蘊蓄意匠勞天公龍
潭僻蠻徼巉巖千萬峰蜿蜒分蜀翠微茫辨霍宮凜凜
如壯士望見千夫雄高人無俗韻谿刻少春容昔遊及
秋節霜氣刪榛蓬空障千里目懶支九節筇

昔 人 龍 潭
有 句 云 平

入生最有山却厭節興自豈知清妙景獨在烟雨中晴泉浸石
壁駭浪戰虬松空濛浮元氣隱見青芙蓉雲破滿日光
碧海磨青銅晦明倏異態變幻莫能窮溪山留畫稿荆
關猶未工昔遊悔鹵莽山英閔奇踪迺知良賈意用晦
若愚蒙堂下倘無言執手將安從

兩丫道中

陶金諧

雙崖補天色角立非一狀如彼黃池盟爭長不相讓烟
松樹前旌風竹森嚴仗月吐青壁間晦明殊背向我行
穿詰曲疑出青天上蕭晨登絕頂前峰正相望安得役
五丁鑿此千崇障遠遊戒垂堂臨風默怊悵

辰州府志

卷四十六

藝文纂

三十二

盧峰書院晨起觀雪效禁體呈陶明府

盧峰山長楊鴻觀雍度金匱

詰旦關荆扉朔雪呈清景四望何茫茫千山失形影江
寒咽不流野渡橫孤艇凍雀簇窮簷駭犬莽荒町一畝
占蕭齋背郭耽幽靜爐紅火始然樽綠酒口猛不學袁
臥秦竊效客歌郢明年百穀成共樂華胥境急報彭澤
知蒼生信多幸

含翠軒

瀘溪教諭費應泰履齋巴陵

自余擁氊來闔茂歲九月廣文屋三間僅足蔽牀席鄰
有同官居移官未移宅遂爲旁門通旋作新題額略如

補葺工迥然異疇昔蒔花雖不多四時無間缺中有插架書水朝堪永夕好友倘來遇奇賞疑亦析滯留今四載徙倚忘在客莫以地爲偏由來比遷謫

初入虎谿書院謁王文成公祠

費應泰

有明三百年闡道盛耆宿從祀四先生人猶未咸服文成昔謫官講學此林麓揭出致良知三字堪三復如扼領下珠如剖石中玉如劑達膏肓如噫撼林木前有薛文清理學振頽俗懷古薦溪毛結宇同尸祝

公爲監司時興學育

士辰人思之故並祀焉

盛傳美復彰春蘭並秋菊涓涓虎谿水鬱

鬱西山谷君子遺高風峙流共一幅□余實饑傖七年

辰州府志

卷四十六

藝文纂

三十三

飽苜蓿此鄉有藏書荒遠不可讀瓣香古之人百世師芳躅登此乏塵尾何堪作貂續

宿淑浦陶明府書齋卽事

顧光斗

諤齋無錫

擊楫復擊楫來赴良友招冰衙枕寒江灘聲助風號老木共蒼蔚啼螿破寂寥彬彬二三人于意愜同逍遙伯仁既俊爽令威喜談調曠然形骸外禮法恕我曹梧桐日夜凋凝霜在簷瓦隱几坐披吟悄對寒燈下無言可半日有言便終夜倦僕僵屏風孤鴈唳遙野羣居不可常誰是可常者

疇謂陶令貧架有書與詩主賓既閒適次第丹黃之相

訂非一日相聚有此時坐久喟然起日月如車馳鼎鼎
事無成郁郁文在茲努力寶榮名狂言君勿嗤
馥馥堂前桂鬱鬱牆東槐知彼年亦多喜君酒如淮引
觸至半醉陶陶與天階彳亍步庭階落葉復滿懷鬪茶
更麈棋勝好負亦佳客居無所苦契賞倚朋儕

沅陵兩岸石壁上屋宇森列取道無從紀以一詩

卽寄陶適齋明府

乾州同知江恂于九儀

乘舟過沅陵兩岸多石壁上見榑欂結構奇觀闢堂
厦宏以敞階梯列層石望之已百仞攀躋歎莫陟傳聞
是神仙樓居絕塵跡吾意洪水災巢窟民安宅九江方
辰州府志 卷四十六 藝文纂 三十四
未殷此地定莫測或云高尚人穿隙聲影匿踪跡託幽
幻安居儼樂風桃源說避秦茲地究誰息辨訟待神君
請君爲吾析

乾州太虛洞

乾州教諭陳孜醇精武陵齋

傍崖果幽尋石室靜無外撐拄青壁倚羃屨白雲蓋垂
幕薜荔懸暄色霞綺繪含飈激迴風呀吭發清籟丁側
儼蝸廬廓落等蟬蛻明神快爽闔山鬼藉幽會嵌竇搜
瑤笈浮豔覬飛旆元參自茲悶靜證於斯最驚馳天宇
窄返觀恒河大何時息塵踪丹竈容予丐

大酉書院懷古

陳孜醇

大酉開勝蹟結屋雲中臥溪水縈其前清景紛相裹曾
聞好學人避秦來此過藏書秘高崑朝夕吟不隋杉檜
陰翳翳員管森個個後起感前修勤茲多士課福汀盧明府建
於書院此名踪人瞻仰文教日已播繫予久鞅塵濫竽臯比
座余攝學來此對此感茫茫探春杏蕊破願乞造物靈遺編
饜饑餓

松哦草堂雜詠

沅陵丞

林元烱

初晝瑞安

憶余適官初丙子正月吉草草理行囊半綸辭蓬葦薄
宦苦修途未能攜家室親戚餞道周歸期間何日分袂
別余季離懷不堪述鄉關日以遠旅店何蕭瑟回首望

辰州府志

卷四十六

藝文纂詩

三十五

家山白雲間東浙

王事迫程期愛兒不忍別宗武既知文家政亦能晰幸
免內顧憂懷抱自怡悅有子足一夔但願賢而哲諫我
以懷清勸我以履潔宦囊何必肥所貴惟功烈願言保
寸心客途嗔寒熟

楚天風色寒冬春相繼雪荒署在高山蕭蕭北風冽俯
視凋疲民鶉衣每百結獸炭以禦冬夜爐火不滅獨寐
而寤歌布衾冷如鐵誰言居官樂仕途多曲折異鄉童
僕親相對情悽切

武陵接辰陽舊是苗頑穴初任履巖疆窮氓瘦見骨異

地風土殊蠻音多缺舌鞭撻黎庶悲莫教饑膚裂彼亦
人之子何忍吸其血槽馬鳴蕭蕭奔走苦力竭驛使快
鞭馳誰惜當官物越俎擔人憂使我中腸結

蠻鬪蝸之角王爭蟻之穴紛紛望我理堂下跪羅列短
衿無完衣赤足頭不櫛遁詞本易窮何必巧言說不量
力而進以訟受縲繼黑白既已分勝負既已決事後追
悔遲徒供談笑舌所得不償失何如且守拙

每念臨民難一事籌累日既愁浸潤奸又慮膚懇譎左
右善窺伺須防機事洩陽鱗未可親蠹吏何由絕譁張
情最幻覆盆不易雪何以折片言忠信與明決吾非王

辰州府志

卷四十六

藝文纂

三十六

彥方何能化鼠竊

君子重立身官方貴植節毋謂清俸薄滴滴民膏血寶
山勿空回仕途非金穴誰爲趙魏老誰能優滕薛月計
苟有餘悃悞不嫌拙今之從政者漫自誇稷契

清浪灘

拔貢

楊

瑞

龍陽

三里聞灘聲亦不甚洸瀆峰迴乍見之怒石莽背向石
怒不可將水怒不得上水石互相怒虎豹潛震蕩爪牙
森開張雷雨爲激盪偃仄坐方舟未覺心悵惘人生蹉
跌憂性命詎相枉涉險會所適驗心同有象迴顧四山
巔但覺烟莽蒼念茲膚髮身忠信那堪放

辰州十烈詩六首之五

謝鳴盛
南豐

宋通判瑛孝子儒

戰死父則忠徒死兒非孝三日破賊巢擒賊投虎豹抱
屍一慟深熱血噴五竅浩魄還太虛忠孝兩輝耀

王指揮夢麟義僕王寧王壽

貴賤本殊異精忠但一氣主自報主恩僕亦有僕義九
曲灣復灣清風浩無際埋輪負初心裊革不虛志

周義士華宇

寸剛知必折寸火自成熟生小此鄉閭忍視賊屠滅短
刀飛光鏗躡馬墮碧血獨角終鬢鬢不撓三寸舌

辰州府志

卷四十六
藝文纂

三十七

朱都督化龍

明祚有時絕臣節無時移狼兵化爲鼠蜀道平如巨松
潘孤岌岌禾黍慟離離斷頭直一笑精氣繞峨眉

萬校尉民瞻朱校尉自植

紙上兵戈聲橫塘戰未已國殤盡可哀白骨呼不起桓
桓兩將軍十日顏猶紫四體無完膚忠魂信不死

題記巖

謝鳴盛

西風盪白日光影落崑竇返照石玲瓏人語驚猿狖我
從小西來愛此山川秀高步睇垂梯孤雲初出岫虫鳥
俱不聞瀑布瀉殘溜漆書與壁經石室封莫紬簡陋嘆

前文志乘荒已舊何事好學人藏書終不授遲迴記崑
前午鷄報村晝

十烈詩次韻六首之四

貢生 修國紀 協五
沅陵

宋通判瑛孝子儒

大義炳寰區惟茲忠與孝柳州諸洞蠻貪戾比豺豹父
戰死疆場兒聞張胆竅殺賊歸父屍先後兩相耀

王指揮夢麟二僕

不國典雖異男兒有正氣同一食主恩敢廢臣僕義主
血濺東南僕魂依主際寒月挂孤松照見三人志

朱都督化龍

辰州府志

卷四十六

藝文纂
詩

三十八

蜀省屠戮盡松潘民未移山川何足險王道有平厓國
祚終難挽軍心日漸離從容就義死明月照峨嵋

萬校尉民瞻朱校尉自植

二士矢忠貞身殂心不已橫塘殺氣森凜凜陰風起霜
葉有時紅青山變作紫敵愾深同袍自古孰無死

客鳳凰廳夜過龍潭觀□

庠生 劉官詡 善化

漁舟兩岸宿夜火燃湘竹光生鳳現中人聚水之澳偶
一歌滄滄潭水深且綠

鳳凰廳東長橋步月

劉官詡

古月今月同春月秋月異長橋夜經過月色何明媚波

間光欲湧雲間光欲墜緬想廣寒遊略與此同意

遊盧峰

進士 向 嵐 溆浦人

溆浦羅羣山列岫吐清景茲山峙西南卓立萬峰頂出
雲復入雲下嶺還上嶺尋幽力已殫接要心獨領石罅
寒泉噴灰飛丹竈冷烟嵐縈薜蘿冥冥失人影寺古無
僧住鳥啼花自永浩然發長嘯卽此遂幽屏

櫟壠

向 嵐

我從山下來不識山中路山中有白雲其下多櫟樹時
有採薪人長歌入雲去

和十烈詩六首之三

孔毓秀 實陵齊

辰州府志

卷四十六

藝文纂

三十九

宋通判瑛孝子儒

父仇不共天躡踊詎云孝奮身膺豺狼探穴擒虎豹三
日還父屍血淚滋心竅忠孝本一家鄉里依光耀

周義士華宇

桑梓非異鄉目擊中腸熱壯士三十人橫掃賊烽滅單
騎人重圍白刃滋碧血哀哉獨角龍雖死猶存舌

萬校尉民瞻朱校尉自植

熙時四海寧苗變尚未已虎賁戰橫塘屍解莫能起先
後顏如生色映暮山紫忠不負 國恩依然正命死

虎谿薛文清公祠

副貢 劉紹濂 酈渠溆浦

末俗尚詞章性理墮雲霧經史恣漁獵身心漫不注豈
知枝葉累亦同漢訓詁吾希薛夫子魯齊同矩步主敬
懸梯航復性揭衢路絕學肩一身微言事旦暮鳳凰翔
千仞氣象邈何覩綸扉無能招臧獲亦知慕遂令諸權
壘罔敢肆其怒念彼鐵漢稱昧微祗知若豸服監銀塲
清貧素所樹惠我辰沅人非獨罷雜賦舊習嚴刮磨履
端尚懷懼先生年譜宣德六年辰州元日書口日手
履端者時之新也為學當與時俱新
性理編精研無寒燠劄記隨所開中宵不少恕積為讀
書錄砭訂有深趣飲水難忘源精舍闢數柱登堂挹前
風儀型儼若遇允與王會稽先後同金鑄

辰州府志

卷四十六

藝文纂

四十

夏日偕姚生惟宜張生允熹允衷遊磨盤山

劉紹濂

山居靖塵咻曠懷友前古適步出山門磨盤悠在覩謂
當凌絕頂借坐遊天姥蠹魚慊未驅雕我更何補遂虧
兩月期山容從遠撫倏忽生履興涼日正亭午亂江登
彼岸從遊競前努躡麓方坦夷山腰勢阻武披草更援
藤汗滴連天雨距椒步未多跋涉敢辭苦顧為同人呼
餘勇尚可賈蹲身踰翠微芳草平盈圃眼蔀此全空下
視皆歸隴大水環如帶小水細如縷我輩已忘險彼觀
古應吐誰贈買山錢願結雲中字

上已遊太虛洞

庠生 張國才 乾□□

最好艷陽天無如苦雨久新晴遊太虛挈伴皆益友由
北而之東緩步當車走野芳發幽香鳴蛙護蝌蚪長橋
臥虹霓曲跨沙灘右石室可藏書相呼入洞口層層步
天梯履響驚泉吼上下長五竿縱橫約三畝仙人古丹
臺華蓋包萬有纜船憇樵夫羨魚癡釣叟此中別一天
應是神物守名理迭往來投桃期報玖出洞過招提山
僧懸空缶喜進七椀茶快比丹成九鼓掌詠而歸殘陽
透牕牖遊興不肯闌到門尚回首

和十烈詩六首之三

庠生 段國相 沅均陵

辰州府志

卷四十六

藝文纂

四十一

宋通判瑛孝子儒

移孝可作忠父忠子復孝殲魁報大仇苗畏如虎豹抱
屍碎兒心五孔成血竅喬梓顯其光汗青餘照耀

周義士華宇

龍角獨難折捍患心偏熱桑梓驅羣兇賊啖誓必滅馬
顛志不撓口噴刀鋸血斷頭義勇全如顏常山舌

朱將軍化龍

昔有蜀將軍斷頭不畏縮如何義釋之遂爾甘降伏孰
若朱都戎忠義貫滿腹氣凌松潘雲節埒峨嵋蠹比似
嚴有光直今輝簡牘

鐘鼓洞

拔貢 舒才博 遜文 溆浦

癖性耽山水佳處輒登臨所貴怡神志不必定高深茲
崖在辰涘壁立卓千尋旁有鐘鼓洞徑多苔蘚侵書朽
仙蹟查聲希遺響沉顧名思其義謀耳未愜心歸舟成
悶坐搔首試微吟少選東臯上飛鏡挂疎林風從石罅
出波蕩塔潭陰衆竅鳴天籟空谷足清音聽之謹以號
疑奏革與金欽欽悉協律簡簡直滿岑適來如積塊到
此始開襟得意渾忘倦欹枕已橫參夜靜秋江冷萬象
變蕭森

詠古五章

庠生 李呈煌 方函 沅陵

辰州府志

卷四十六

藝文纂 詩

四十二

宋監軍均

食麥莫忘秋食黍莫忘夏將星隕壺頭全軍依謁者權
宜假詔書羣鼠驚竄瓦幕南無不庭軍士休戰馬况昔
長辰陽鑄士如陶冶受賜到於今而忍闕奠筭

王指揮夢麟僕

昔聞卞壺子今見王公僕王公死沙場僕亦填溝瀆主
忠僕亦忠英聲動葭屋

萬校尉民瞻朱校尉自植

橫塘奮血戰叱宅山川變利鏃穿征衣驚沙入帥面□
革裊英雄奚分後與先

杜才烈女小英

亭亭杜小英吾邑之奇女爾節傲于霜爾才誰能伍倉忙患難時從容忠孝語芳魂墮清流蛟龍護其處幽光不可沉陽邏一抔土大招賦歸來千載榮尊俎

龔烈女催姑

子推焚其身殃及于母氏救母龔催姑還恐遺母恥玉骨化為灰精魂終不死蕭蕭白楊風慈烏哭未已

盧峰書院咏懷呈楊雍度師

庠生

張嘉顯

申之淑浦

名山藏几席天地賴仔肩予茲渺中處結習何茫然詩書非糟粕展卷晤聖賢知有津梁在願言濟長川

辰州府志

卷四十六

藝文纂

四十三

梧桐高百尺結根山之陽伐作琴與瑟清徽諧宮商誰能聽其真獨有蔡中郎臨風理高曲慷慨自激昂

十烈詩次韻六首之二

庠生

韓鎮泰

建寅陵

宋瑛父子

為君死則忠為父死則孝死亦豈徒然探穴擒虎豹父屍宛其歸兒血流滿竅忠孝出一門前輝後亦耀

王夢麟主僕

貴賤無差殊各自有正氣轉戰七閩中主忠僕亦義忠義本性成那在賊來際視死已如歸不負出師志

明月巖

拔貢

劉

豹

□□

□□

滿目盡皆山如茲山幾處高標摘漢星獨秀離支庶月上誤青虹雲封訝玉箸攜來咫尺梯我欲登天去

崇山衛城懷古

劉豹

秋風動客懷緩步城東去徘徊古衛城冷露黃花注荒臺長蓬蒿斷壁穴狐兔石麟臥野壕殘戈拾處處憶昔開府時戟門列刀鋸鼓角聲振天叱咤將軍怒出令重如山蠹爾苗民懼如何百年來徑僻塞無路盛衰理可憑太息愁日暮